

續刊周益國文忠公集叙畧

周益公全集凡二百卷

宋

建歲校正一百六十二卷先爲板行

已叙其崖畧矣尙餘雜著述二十三卷書彙十五卷附錄五卷
年來昕夕展讀竊嘆公之著作不獨鉅製鴻篇光耀千古即隨
筆紀錄其於制度典章藝文名物亦莫不賅洽精詳書彙中籌
及時政往往大力小心貫注於字裏行間並足以垂不朽續刊
之役詎容緩耶爰勉策駑鈍仍據彭春農學士手校本合王霞
九觀察所分鈔翰院本雜著述之十一種張古餘觀察本所有
思陵錄玉堂雜記二老堂詩話暨書彙附錄悉心參訂概登棗
梨公之集於是大備海內嗜古之士固樂睹其全而

宋

亦幸殷

殷謀梓之夙願畢遂也彭學士原定雜著述與書彙凡例四條
今補錄并恭錄

四庫全書總目提要冠初刻卷端玉堂雜記二老堂詩話提要
分列二種之首以昭

國朝右文之盛云

咸豐元年歲次辛亥仲夏月邑後學歐陽棨謹識

續刊彭學士原定凡例

一總目以雜著述統作二十三卷而各種分繫其下是雜著述者其總綱而各種書者其子目也乃集中仍以各種標作綱名各自爲卷全不與前目相應而所謂二百卷者乃不可彙查今校以雜著述標名取足文集二百卷之數而其中之各自爲卷者則子目也

一思陵錄二卷別本視知聖道齋所校倒亂乖互之處不勝其多若逐一注出反加繁蕪茲擇其切要者注之餘從畧

一近體樂府一卷向止數頁知聖道齋本有另紙數幅載遺詩數十首注云照閣本補入又玉堂雜記後亦誤附詩二首次

首又佚其半今俱附於近體樂府之後並爲一卷云

一書彙十五卷卽公子綸所稱未容盡刻者今知聖道齋本此十五卷多脫佚院本較詳據以增入不知尙有缺遺否也

榮案彭學士因知聖道齋本有另紙數幅載遺詩數十首附之近體樂府後今考另紙所載遺詩均係楊誠齋先生詩故從刪已詳注雜著述之末仍全錄其原定凡例附識於此

續刊周益國文忠公集總目

雜著述二十三卷

卷一

辛巳親征錄

全集百六十三

卷二

壬午龍飛錄

全集百六十四

卷三

癸未歸廬陵日記

全集百六十五

卷四

閒居錄

全集百六十六

卷五

泛舟遊山錄

全集百六十七

卷六

泛舟遊山錄

全集百六十八

卷七

泛舟遊山錄

全集百六十九

卷八

庚寅奏事錄

全集百七十

卷九

壬辰南歸錄

全集百七十一

卷十

思陵錄

全集百七十二

卷十一

思陵錄

全集百七十三

卷十二

玉堂雜記

全集百七十四

卷十三

玉堂雜記

全集百七十五

卷十四

玉堂雜記

全集百七十六

卷十五

二老堂詩話

全集百七十七

卷十六

二老堂詩話

全集百七十八

卷十七

二老堂雜誌

全集百七十九

卷十八

二老堂雜誌

全集百八十

卷十九

二老堂雜誌

全集百八十一

卷二十

二老堂雜誌

全集百八十二

卷二十一

二老堂雜誌

全集百八十三

卷二十二

唐昌玉蕊辨證

全集百八十四

卷二十三

近體樂府

附遺詩

全集百八十五

書豪十五卷

卷一

書

全集百八十六

卷二

書

全集百八十七

卷三

書

全集百八十八

卷四

劄子

全集百八十九

卷五

劄子

全集百九十

卷六

劄子

全集百九十一

卷七

劄子

全集百九十二

卷八

劄子

全集百九十三

卷九

劄子

全集百九十四

卷十

劄子

全集百九十五

卷十一

劄子

全集百九十六

卷十二

劄子

全集百九十七

卷十三

劄子

全集百九十八

卷十四

劄子

全集百九十九

卷十五

小簡

全集一百

附錄五卷

卷一

祭文

卷二

行狀

卷三

謚誥

卷四

神道碑

卷五

忠文耆德之碑

右先公丞相文集二百卷初與先友免解進士曾無疑三吳

纂集校正篇帙既定又得免解進士許志伯凌鄉貢進士彭

清卿叔夏羅次君堯宜相與復校敬鈐木以傳惟日記自紹

興戊寅訖嘉泰甲子紀錄頗詳而書橐尤多皆未容盡刻實
藏惟謹當俟他日開禧丙寅仲秋子綸謹書

附
鈔集始末

總目終

雜著述卷第一

廬陵周益國文忠公集一百六十三

同邑裔孫蓮鱗重校刊

親征錄

起辛巳十月庚子
止壬午六月丁丑

紹興三十一年歲在辛巳十月朔庚子陰手詔金虜叛盟將親征其文洪景廬所草前一月人已能誦之

癸卯雨除三招討使吳璘報九月十八日遣將彭清刼金人大寨於寶鷄橋知均州武鉅奏招到北界杜海咎朝等二萬餘人老小數萬口獲首生擒二百餘人池州都統李顯忠奏與金人三戰於正陽西敗之此月三日也時虜騎已縛橋踰淮吳璘奏九月二十七日克秦州

戊午晴張真甫供職葉義問督視江淮荆襄軍馬虞允文參謀軍事義問辟洪邁馮方同行時虜騎大入諸將多敗奔也

庚申陰晴相半聞王權與金人戰於和州境人情大洶

辛酉午後出北關送葉樞矜氣大言識者憂之行府犒軍金帛絡繹於道邵宏淵黃旂走報與金人戰於六合先是諸將每遇敵輒以捷告都人望旗呼舞尙書省揭黃榜於通衢不移刻募印徧都下驗其地則皆自北而南實未嘗有所獲也

壬戌聞虜陷眞州邵宏淵雖力戰於六合兵少不能禦故也

甲子陰聞虜陷揚州百官宅遷徙一空

十一月朔己巳霜晴人情稍舒劉錡報皂角林大捷先是錡提

軍駐淮東清河口與虜兵相持而完顏亮親率大軍別從淮西入寇李顯忠遇之卽遁遂與王權戰於廬於和權退舍屢敗亮自滁入眞邵宏淵又不能當亮兵將繞出錡後錡知不敵卽捨清河歸維揚焚廬舍芻糧南歸虜遂兩道入矣亮至皂角林錡與戰敗之捷書聞上大喜遣中使賜予甚厚

丙子聞此月五日李橫敗績於瓜州初劉錡捷卽卧病輿歸京口虜遂臨江葉義問督錡進戰錡不可亦以病實不能行義問乃命橫將兵過江方交鋒虜分兵爲左右翼潛出橫後來攻我師橫大敗諸軍赴江死者甚衆凡犒軍金帛盡爲虜得橫亡失都統印匿草間獲免或云是日中軍將劉汜臨陳先遁故敗汜

唐益國公忠公集
二
錡之姪也

庚辰采石捷書聞初虜兵雖勝視瓜州江濶難渡而采石淺狹且朝廷方以李顯忠代王權統金陵之師亮意其號令未定也以此月八日九日親執旗鼓督細軍臨江而聚所掠之舟密載甲士南渡會漁人諜知其期走白顯忠及虞允文亟命舟師逆之虜舟雜以木筏又其人不習水我以戰艦乘風衝擊賊兵皆溺死亦有數百人已登南岸者允文激勵士卒殊死鬪盡數殺之不然幾殆

辛巳聞采石北師稍稍引去

乙酉聞北師聚於淮東真揚間

甲午武鉅報克鄧州外城王彥報師次長安外邑大抵諸軍時時以小捷聞而淮上益急

十二月己亥朔同舍皆至政府自午至酉方出堂先是邊報稍緩宰執皆早歸一遇警急往往晚出張真父戲云欲知敵情但視堂又軍興已來陰雨連綿天氣愁沮閒值晴霽必傳捷音同舍又戲云欲占吉凶請視日

庚子晴鎮江諸帥報完顏亮爲其下所戕亮之將敗盟也得浙匠教之航海於是大興工役造巨舟於膠西刷河北丁壯雜以金人謂之大漢軍命蘇尙書者爲之帥其謀謂我以大兵踰淮逼江中國必悉師來拒錢塘禁衛空虛則樓船可擣腹心腹心

震駭雖拙江上援兵亦已無及然後可以得志其部分計畫皆有成說乃命張忠彥堅壁鳳翔以敝吳璘又命劉蕡攻擾襄漢而亮自率精銳及簽軍號數十萬由淮東西兩道入既未能渡江則駐師維揚日望海道如約無何朝廷遣李寶或云劉錡預謀率防海之舟先過山東將次膠西禱神祠遇順風又得謀者用其言衝虜舟舟既大而簽軍及女真不習戰權束手敗降寶縱火焚數十艘而歸亮聞大怒暴戾益甚殺戮無常人人惴恐葛王者知其可圖也遣親信結帳下兵殺亮會亮親兵別攻泰州左右無助乃以冬至夜作亂亮驚起爲攢箭所殺食罷同舍相率慶二揆楊參黃樞首揆有還白溝之語夜鎖學士院何通遠爽眩